



Bentiaraq Ottosen

UKA 2023/26-1

Atassut

27. september 2023

Siunnersuut uunga: Utoqqalinersiaqarneq pillugu Inatsisartut Inatsisaata aamma siusinaartumik pensionisiat pillugit Inatsisartut Inatsisaata allangortinneqarneri pillugit Inatsisartut Inatsisaat

(Utoqqalinersialinnut siusinaartumillu pensionisialinnut pensionimik naatsorsuiner mi pilersuisussaaqatigiinnerup atorunnaarsinneqarnera)

(Isumaginninnermut, Suliffeqarnermut, Nunamullu Namminermut Naalackersuisoq)

Pingaartilluinnarpara nuna utoqqaliffigissallugu toqqissisimanartuunissaa, peqqinnartumillu utoqqaliffigissallugu inuuffiginissaa. Taamatut iliuuseqarnikkut utoqqartatta atugassarititai pitsaanerulersissinnaavarput, pingaaruteqarmammi utoqqaat ukiorpassuarni inuiaqatigiinni akileraartartuusimasut toqqissisimasumik peqqinnartumillu inuiaqatigiinni inooqataalernissaat anguniarlugu.

Ilumoorpoq utoqqartatta ukiut tamarluinnaasa aningaasaqarnermikkut artorsarnerugaluttuinnartut, naak qineqqusaarnermi initoorujussuarmik oqariartuutigineqaqattaartoq utoqqartatta atugassarititaat pitsaanerulersinneqartariaqartut, tamanna partiit tamarmik neriorsuillutik oqariartuutigivaat. Sulili kinguneqanngitsumik iliuuseqarfigineqarput, naak tamakkua neriorsuutaasimasut.

Utoqqalinersiat pillugit naatsorsuiner mi pilersuisussaatitaanerup atorunnaarsinneqarneratigut, utoqqalinersialik aamma siusinaartumik utoqqalinersialik ikiorsiissutinik pisartagaasa pitsaanerulernissaanut siunnerfeqaqatigiinnerput tamattaalluta isumaqatigiissutigisinnaagunarparput. Kisiannilu aningaasat saqqummiunneqartut eqqarsaatigalugit utoqqaliner musiallit aamma siusinaartumik utoqqaliner musiallit pisartagaasa pitsanngoriaataanik takusaqarsinnaanginnama nassuerutigissavara, naak apparisap pilersueqataanermini utoqqaliner musiallip aamma siusinaartumik utoqqaliner musiallip isertitaanut attumassuteerutsinneqaralarpat. Ila utoqqartatta atugassaritaasa pitsaanerulernissaanut oqariartoraluarluta aaqqiisutaasussanut tulluannginnerat oqaatigisinnaavara.

Naalackersuisut siunnersuutigaat utoqqalinersiallit ukiumut ima pisartagaqarnissaanik:

Kisermmaq ukiumut 83.309 kr. Qaammammut 6.934 kr. Pineqartoq akileraaruteqassaaq 42 pct. Killissarititaasorlu pisartagaqarneq ukiumut qaangerneqarsimappat pillaatissiatut akileraarutiminit qaavatigut pillaatississaaq.

Aappallit ukiumut 46.307 kr. Qaamammut 3.859 kr. Pineqartoq akileraaruteqassaaq 42 pct. Killissarititaasorlu pisartagaqarneq ukiumut qaangerneqarsimappat pillaatissiatut akileraarutiminik qaavatigut pillaatississaaq.

Ila taamatut aaqqiiniarneq utoqqaat atugaannut pitsanngoriartitsinaviannngitsoq isumaqarpunga. Taamatullu utoqqaat 4.144 akornanni 2.584 kallarneqassapput. Eqqarsartariaqarpugut taamatut aaqqiisoqassappat utoqqaat atugaanut ajorseriaataasumik kinguneqarsinnaanera ernumanartoqarmat.

Saniatigut utoqqaat sulisinnaasut ernumassuteqaratik suliuarsinnaasariaqarput, aamma attuumassuteqartariaqanngilaq ukiumut pisartagaanik qaavatigut isertitaqarsimappata. Utoqqaat pillaatissaanik tuniorarlugit artukkeqattaaginnavitassarinnngilagut.

Utoqqaat atugaat pitsaanerulersissagutsigit, akilersinnaasariaqarpoq tulluuttumik inatsisissamik suliaqartoqarnissaa. Assersuutigineqarsinnaavoq ullumikkut ineqarneq akisoorujussuuvoq, nioqqutissat akisoorujussuupput aamma akisoorujussuannngoriartussapput. Utoqqalinermusiallu nalimmassarneqartariaqarput.

Ukiumut utoqqaat pisartagaasa killissarititaaniit annerusumik aningaasanik inissiisoqartariaqarpoq, pisariaqarluinnarpoq tamanna.

Una siunnersuut ataatsimiititaliamut ingerlateqqinnissaa taperserpara, eqqaamaqquaralu uku aningaasat eqqartorneqartut qaffaavigineqarnissaat pisariaqarluinnarmat. Utoqqaat atugaat pitsaanerulersissallugit qineqqusaarnermi oqariartuuteqaqattaarpugut, tamanna tamatta ikioqatigiilluta pilersissinnaavarput.